

Il report 2022 relativo all'accumulo di neve, rilevato su alcuni ghiacciai della Provincia di Trento, ha evidenziato una scarsità di copertura nevosa. Le cause sono la relativa siccità e le alte temperature registrate dall'autunno 2021 al mese scorso. È stata misurata una quantità di neve di poco superiore alla metà rispetto alla media delle rilevazioni effettuate negli ultimi anni.

S ist kemmen va bea'ne gadruckt an untersuach asn schnea as de pèrng va de inger provinz. De untersuach ist kemmen gamòcht gèltsgott en a zòmmòrbet zvisch der omt Previsioni e Pianificazione va de Autonome Provinz va Trea't, de Commissione Glaciologica della Società degli Alpinisti Tridentini, der Muse ont de Universitet va Padova. De datn sa' kemmen gadruckt asn sito Meteotrentino.

Va de doi untersuach ist kemmen aus as en doi jor der schnea as de pèrng va de inger provinz ist prope bea'ne. Der schnea as de heachern pèrng va de provinz ist lai a ker mear as hòlbas abia de media van leistn jarder. Dòs ist tschechen bavai en herbest, binter ont langes s hòt bea'ne tschnim. Derzua, s bëtter ist efter bòrm gab. En mu'net verpaigöngen vern bòrm bëtter der schnea en hoa pèrg hòt schoa' u'gaheift za zergea' se. En de leistn jarder der schnea ist ganua vil gaben: òlla denken der binter 2020-2021, pet oll der sèll schnea as de pèrng ober pet de birtshaiser ont de öndern strukturaun van turismus sperrt ver de pandemia. Sech ber iaz de datn glamer.

S ist kemmen garo gadruckt asn sito Meteotrentino

Report 2022 asn schnea as de ingern pèrng

Foto E. Valcanover



Der schòffer Giancarlo Pederiva hòt vourstellit de relazion 2021

Provinzial zòmmriaaf van schòffern van vraibillega pompiarn

Venerdì 17 giugno si è tenuta l'assemblea provinciale ordinaria dei Comandanti dei Corpi Vigili del Fuoco Volontari della Provincia di Trento.

Il presidente della Federazione Vigili del Fuoco Volontari Giancarlo Pederiva ha presentato la relazione sull'attività svolta nel 2021.

Eran presenti i vicepresidenti Daniele Postal e Luigi Maturi, oltre che gli assessori provinciali Mirko Bisesti, Roberto Failoni, e il presidente del Consiglio provinciale Walter Kaswalder.


En vourder vraita ka Valleggi hòt se gahòltn der provinzal zòmmriaaf van schòffern van vraibillega pompiarn va de Provinz va Trea't. En trèff hom toalganommen der president va de Federazion Vraibillega Pompiarn Giancarlo Pederiva ont de vicepresidentn, der Daniele Postal ont der Luigi Maturi.

Derzua, sa' kemmen aa der president van Provinzialrot Walter Kaswalder ont de asesorn Mirko Bisesti ont Roberto Failoni. En trèff hom toalganommen 168 derstelln van vraibillega pompiarn. Biar denken as

Letrat arkif druckom PAT



Presentazione del volume “Popoli senza frontiere 2”



Il maso “Filzerhof”, sede della presentazione del volume – foto archivio Istituto culturale mócheno

Presso il maso tradizionale denominato “Filzerhof”, nel comune di Fierozzo in valle dei mócheni, si terrà la presentazione di un volume dedicato alle tre comunità di minoranza presenti sul territorio trentino: quella móchena, quella cimbra e la ladina. Il volume è curato dall'antropologa Valentina Santonico e dal fotografo Roberto Galasso. È stato realizzato dall'Istituto Centrale per il patrimonio immateriale del Ministero della Cultura di Roma, in collaborazione con la Provincia Autonoma di Trento.

L'incontro si aprirà con i saluti del Presidente dell'Istituto culturale mócheno Luca Moltrér; interverranno Giuliana Cristoforetti, dirigente del Servizio minoranze linguistiche locali e audit europeo oltre a Leandro Ventura, direttore dell'Istituto Centrale per il patrimonio immateriale. Interverranno a seguire anche i due curatori del volume. Tutti sono cordialmente invitati a partecipare, mercoledì 29 giugno alle 17, presso il “Filzerhof”.

En herbest s hòt tschnim abia en de media, magare a ker minder, ober bos as ist bichte ist as en leistagest s ist bòrm gaben ont alura der schnea en hoa pèrg hòt se schubet zergeat a'ne plaim as de eart. En binter s hòt prope bea'ne tschnim. Der doi leist binter ist gor gaben oa'n van zeichen dirrern binter van leistn hundert jor. S hòt tschnim minder van hòlbas abia de media van leistn jarder. Derzua, s bëtter ist bòrm gaben: oa'n van vinva bermern binter van leistn hundert jor. En u'heif van langes aa hòt s bea'ne tschnim as de pèrng: zan an glick en oberel s hòt tschnim mear ober dòra en moi s bëtter ist bòrm gaben ont s hòt bea'ne tschnim. Ont asou, as de pèrng van grupp Ortles-Cevedale, va de Marmolada ont van Mandrone, der schnea hòt se zergeat a mu'net pahenner van scholet.

De pèrng bou as sa' kemmen zòmmklaup de datn va de doi untersuach sa' der Ortles-Cevedale ont de Marmolada. De òrbetn sa' kemmen gamòcht zvisch de vinfzena ont de zboask van moi 2022. Ver za zòmmklaup òlla de doin datn, sa' kemmen innsteckt en schnea ausöndera stèckn, ont a schòrt va sitzngram sa' kemmen gagrom en schnea va hoa pèrg.

En jor 1967 sa' u' gaheift de untersuachen asn als Careser van Ortles-Cevedale, ont asou biar hom a datnpònkt pet vil informazionen, va gor vinfontvisk jarder. Zan an unglück, haier s ist kemmen auganommen der binter pet minder schnea, no lai en sell van jor 2007.

Nicola Obersler

en òlla, en de inger Provinz, de vraibillega pompiarn sa' mear as öchtausnt.

Der asesor Roberto Failoni hòt gadenkt bos as de pompiarn hom gamòcht en de leistn zaitn en Sicilia, en Cadore, ont a mu'net vour pet Vasco Rossi ka Trea't. Der asesor Mirko Bisesti hòt kein schea'na beirter ver òlla de òrbetn trong envire ver de gamoaschòft: er hòt kein as de vraibillega pompiarn sa' bichte vern Trentin. De sa' guat za leing vour òlls de neat va de gamoaschòft, pamian se vern guat van lait. Dòs tschicht en de klea'nern ont en de greasern derver aa. Er hòt versichert as de provinzalzuazoln barn gea' envire ont er hòt gabellt denken zbo' söchen: de doin leistn hòrtn jarder va pandemia, ont abia bichte as sa' de jungen allieu.

Der president Giancarlo Pederiva hòt vourstellit de relazion vern jor verpaigöngen ont er hòt gadenkt as s jor 2021 ist gaben oa's van hertestn jarder ver de pompiarn; er hòt aa gadenkt de òrbet van vraibillega no en austao van vaccini.

Derbail en zòmmriaaf hòt se gahòltn aa an moment ver za ausmòchen finz benn as de vraibillega pompiarn meing plaim za móchen de sa' òrbet (finz as sèsk oder finz as vinfontsèsk jor). S ist kemmen ausgamòcht pet 109 stimmen za lòng sa trong envire de sa' òrbet finz as vinfontsèsk jor.

Nicola Obersler

Bando Nais Bèrk 2022

De Autonome Provinz va Trea't zuazolt pet 1,4 milionen va euro an projekt trong envire zòmm pet Trentino Sviluppo ver za stitzen s verpesser va naia bérkn. De naiòrbet ist ver junga (18-35 jor), baiber ont ver de selln as hom nèt an òrbet ober sa' inntschrif en an Centro per l'Impiego va almen secks mu'net.

Der bando gip an paitrog ver de selln as hom de noat za prauchen zvisch de zboaskausnt ont de hundertausnt euro vern verpesser van sa' bérk. S kaf mias sa' en de Autonome Provinz, almen vern 80% van kostn. Derzua, s bérk mias sa': augöngen va minder abia zbfel mu'net; en Trentin; a "klosa' bérk" no en verregl UE 651/2014; inntschrif en Register van Bérkn van to va de ogem va de vrog; hom an ausöndern kodeks ATECO abia tschrim asn bando. S ist moglech za vortschicken de vrog finz um drai nomitto va de 28 van heibeger. Ver za ausvilln de vrog s hòt de noat va de SPID (identità digitale) ont va de aunemm va de vrog as "Agorà" va Trentino Sviluppo. Ver za bissn eppes mear mu men gea' asn sito va Trentino Sviluppo as de stimm "bandi e appalti". De doi naiòrbet ist kemmen as de sa' seckste edizion; van jor 2015 de hòt stitzen s verpesser va mear as öchthundert kloana' bérkn.